



MP

DY

IC XC

ОГЛАВЛЕНИЕ

Владимирская икона Божией Матери.....	3
Акафист Пресвятой Богородице в честь иконы Ее Владимирской.....	5

ВЛАДИМИРСКАЯ ИКОНА БОЖИЕЙ МАТЕРИ

Владимирская икона Божией Матери, по преданию, была написана еще при жизни Богоматери святым апостолом и евангелистом Лукой на доске стола, за которым совершали трапезу Господь Иисус Христос, Его Пречистая Мать и праведный Иосиф Обручник. Сама Пресвятая Дева видела эту икону и предрекла ее благодатную силу: “Благодать Рождшагося от Мене и Моя с сею иконою да будет”.

Около 450 года образ перенесли из Иерусалима в Константинополь, а по прошествии почти семи веков Константинопольский патриарх Лука Христоверг прислал икону в дар великому князю Киевскому Юрию Долгорукому, который поставил ее в Вышгородском девичьем монастыре близ Киева. Сын Юрия Долгорукого святой благоверный князь Андрей Боголюбский, переходя на княжение во Владимир, взял с собой икону Богоматери.

Пребывая в течение двух с половиной столетий во Владимире, она стала именоваться Владимирской; икона прославилась множеством чудотворений и сделалась одной из наиболее почитаемых в России.

В 1164 году Владимирская сопровождала князя Андрея Боголюбского в его победоносном походе против волжских болгар. Она уцелела во время страшного пожара 13 апреля 1185 года, когда сгорел Владимирский собор, и осталась невредимой при разорении города Батыем в 1237 году.

Ежегодное троекратное празднование Владимирской иконе установлено в честь троекратного избавления Москвы от нашествия монголо-татарских орд и избавления от татарского ига.

В 1395 году Тамерлан вторгся в пределы Рязани и, разорив ее, направился к Москве. Спешно собрав рать, великий князь московский Василий Димитриевич двинулся ему навстречу и стал у Коломны, на берегу Оки.

Столица и окрестности были объаты ужасом и смятением; повсюду служились молебны, сам митрополит Киприан почти безвыходно находился в храме. Тогда решено было перенести в Москву Владимирскую икону. За городом, на Кучковом поле (ныне улица Сретенка), ее встретили митрополит, духовенство, княжеская семья и народ, восклицавшие: “Мати Божия, спаси землю Русскую!” Икону перенесли в Успенский собор. В час сретения иконы Тамерлан спал в своем шатре; во сне ему явилась Лучезарная Жена в окружении ангелов с огненными мечами.

Устрашась Заступницы русских, Тамерлан повернул свои войска и вышел из московских пределов, простояв под городом две недели. В память

сретения иконы и избавления Москвы от разорения установлено празднование 26 августа/8 сентября.

Празднование 23 июня/6 июля совершается в память свержения татарского ига при Иоанне III и избавления Москвы в 1480 году от нашествия хана Золотой Орды Ахмата.

Третьим празднованием, 21 мая/3 июня, вспоминается поновление образа в 1514 году и в тот же день в 1521 году избавление Москвы от нашествия казанских, крымских и ногайских татар - в тот год хан Махмет-Гирей достиг пределов Москвы и стал жечь пригороды, но внезапно отступил от столицы, не причинив ей вреда.

Вера в неизменную помощь этой чудотворной иконы настолько укрепилась, что при очередном нашествии татар на Москву царь Феодор Иоаннович послал против них войско с иконой, сказав: “Завтра же молитвами Богоматери нечестивых не будет”. И действительно, после продолжавшегося целые сутки упорного боя враг бежал.

Московские святители Иов и Ермоген молились перед чудотворной иконой в страшные годы Смутного времени, когда России угрожало новое иноземное нашествие: польско-литовские орды в союзе с русскими изменниками отечества расхищали и разоряли страну.

Перед Владимирской, этой великой святыней Русской Церкви, в Успенском соборе помазывались на царство цари, избирались первосвятители Русской земли, здесь приносили присягу на верность России, молились воины, выступая в поход.

Ныне чудотворный образ хранится в Третьяковской галерее и лишь в особо торжественные праздничные дни переносится в Успенский собор Кремля.

АКАФИСТ ПРЕСВЯТОЙ БОГОРОДИЦЕ В ЧЕСТЬ ЧУДОТВОРНОЙ ИКОНЫ ЕЕ ВЛАДИМИРСКОЙ

Кондак 1

Взбранной Воеводе, Заступнице нашей, взирающе на первописанный образ Твой, хвалебное пение воспеваем Ти раби Твои, Богомати. Ты же, яко имущая державу непобедимую, сохрани и спаси благодарне Тебе вопиющая: Радуйся, Пречистая, от иконы Твоея милости нам источающая.

Икос 1

Ангельския силы на Небеси немолчно воспевают Тя, Пречистая, зряще Славу Пребожественную, еюже Сын Твой прослави Тя; но и нас, земных, не оставила еси, яко некую лучу, ниспославши нам икону Твою, святым Лукою первописанную. О ней бо некогда изрекла еси: с сим образом благодать Моя и сила да пребудут. Темже вернии раби Твои, по вся дни и на всяцем месте сбытие словес Твоих зряще, ко образу Твоему цельбоносному притекаем и, яко же Самей Ти, с нами сущей, вопием: Радуйся, Ангелов Царице; радуйся, всего мира Владычице. Радуйся, на Небеси присно славимая; радуйся, и на земли величаемая. Радуйся, благодать Твою иконе Твоей сей даровавшая; радуйся, на спасение человек тую поставившая. Радуйся, Божия благности скорая Подательнице; радуйся, молений наших усердная Послушнице. Радуйся, Пречистая, от иконы Твоея милости нам источающая.

Кондак 2

Видя чудес множество, от принесенныя в Вышград святыя иконы Твоея бываемое, благоверный князь Андрей возгореся духом и умоляше Тя, да скажеши святую волю Твою и да благословиши его в пределы Ростовския отыти. Темже, улучив желаемое и икону Твою возьм, идяше в путь свой, радуясь и поя Богу: Аллилуия.

Икос 2

Разумеша вси людие дивное шествие Твое, Царице Небесная, от Киева в землю Ростовскую, болящии бо исцеляхуся и ина знамения и чудеса бываху всем с верою притекающим ко образу Твоему. Сего ради воспеша Тебе: Радуйся, чудесы шествие иконы Твоея знаменовавшая; радуйся, многи немощныя исцелившая. Радуйся, воздыхания наша не отвергающая; радуйся, недостойныя молитвы наша приемлющая. Радуйся, Матерняя щедроты Твоя на нас

изливающая; радуйся, иконою Твоею нам благодетельная. Радуйся, в обстоянии сущим скорую помощь дарующая; радуйся, отчаянным надежду возвращающая. Радуйся, Пречистая, от иконы Твоея милости нам источающая.

Кондак 3

Силою Твоею ограждаемь, благоверный князь Андрей предел Владимирских достиже и zde благу волю Твою, Владычице, позна. В ношнем бо видении тому явльшиися, повелела еси от места сего не отходить и чудотворную икону Твою zde, во граде Владимире, поставити, да будет Северной стране нашей в благословение и людем Твоим в покров, вопиющим Богу: Аллилуия.

Икос 3

Имея в себе благодатное сокровище, икону Твою Владимирскую, преуспеваше от силы в силу отечество наше. Во дни бо обстояний и напастей не оставила еси род наш, Владычице, и во благовремени близ была еси, всеильным предстательством Твоим верныя люди Твоя заступающыи, поющыи Ти: Радуйся, гнев Божий, праведно на ны движимый, утешающая; радуйся, на милость к нам, грешным, Господа преклоняющая. Радуйся, яко смиренным мольбам рабов Твоих внимлеши; радуйся, яко утешение Твое нам подати поспешаеши. Радуйся, яко иконою Твоею от всяких нас бед ограждаеши; радуйся, яко тою козни вражия разрушаеши. Радуйся, в час скорби люди Твоя укрепляющая; радуйся, тихое и безмятежное житие тем дарующая. Радуйся, Пречистая, от иконы Твоея милости нам источающая.

Кондак 4

Бурю помышлений сумнительных пройде благоверный князь Андрей, от множества врагов некогда обстоимь; Ты же, Всепетая, дивным от иконы Твоея знаменем славную победу тому предвозвестила еси. Темже верою обновився и о имени Твоем дерзая, воспе Богу: Аллилуия.

Икос 4

Слышавше мятежницы убиение благовернаго князя Андрея, град Владимир расхитити устремиша-ся, но икону Твою чудотворную, на стогна града изнесенную, внезапно узревше, умилишася сердцем и на колена падше во гресе своем покаяшася. Благочестивии же людие, таковому от иконы Твоея благодатному явлению радуящеся, песнь благодарственную воспеша Тебе: Радуйся, междоусобных браней утоление; радуйся, ожестевших сердец умягчение. Радуйся, яко заблуждшия на путь правый возвращаеши; радуйся, яко

от соблазнов суетных нас ограждаеши. Радуйся, пагубы вседушевные низлагающая; радуйся, душевредная научения обличающая. Радуйся, к Царствию Небесному путь невозбранный нам указующая; радуйся, мир вечный и радость нам подающая. Радуйся, Пречистая, от иконы Твоея милости нам источающая.

Кондак 5

Боготечная звезда отцем нашим бысть икона Твоя, Владычице, еяже светом ведами, многожды побеждаху царствия, возмогаху от немощи, обращашаху в бегство полки чуждых, и путь к земному преуспейнию и небесному спасению обретаху. Сего ради по долгу славит Тя земля Российская, поющи Богу: Аллилуия.

Икос 5

Видевше некогда людие владимирстии в чудном видении град свой на воздухе вознесен и икону Твою верху его, якоже солнце, сияюще, со умилением разумеша, Владычице, неотступный покров Твой граду их и, Твое милостивое промышление о них славяще, воспеша Ти: Радуйся, Мати милосердия; радуйся, источнице чудес. Радуйся, бодрая наша Хранительнице; радуйся, граду нашему покрове. Радуйся, горе к Небесным сокровищем ум наш возводящая; радуйся, любовь к Богу в сердцах верных насаждающая. Радуйся, маловерныя вразумляющая; радуйся, неверных смыслы просвещающая. Радуйся, Пречистая, от иконы Твоея милости нам источающая.

Кондак 6

Проповедник неизреченных чудес Твоих, Владычице, явился соборный храм Твой во граде Владимире, святою иконою Твоею украшенный. Попущением бо Божиим все благолепие его некогда во огни погиге, икона же святая Твоя, якоже купина, неопалима пребысть, да и видевше и осязавше присутствие Твое, вернии воспоют: Аллилуия.

Икос 6

Возсия паки свет иконы Твоея, Богородице, во дни лютаго нашествия Батыева. Аще бо нечестивии агаряне и пожгоша огнем соборный храм Твой и святителя Владимирскаго и люди, молящияся в церкви, умертвиша, и вся конечному истреблению предаша, обаче икона Твоя и паки невредена обретеся, подвизающе пети Тебе: Радуйся, Купино Неопалимая; радуйся, сокровище неизживаемое. Радуйся, стено несокрушимая; радуйся, прибежище всем уповающим на Тя. Радуйся, икону Твою и во пламени целу сохранившая; ра-

дуйся, нам во утешение и спасение тую оставившая. Радуйся, Ты бо еси наше защищение; радуйся, Ты бо еси всех благочестивых непрестанное радование. Радуйся, Пречистая, от иконы Твоея милости нам источающая.

Кондак 7

Хотя великий князь Василий защищение стяжати стольному граду своему, повеле Владимирскую икону Твою в Москву пренести. И во сретение ея усердно ишедше князь и святитель Московский Киприан со освященным собором и всем множеством людей до земли пред нею поклонишася, якоже бо Самою Тя, Пречистая, к ним приходящую, сретяху, зовуще Тебе: О Мати Божия, спаси землю Русскую, вкупе же и поюще Богу: Аллилуия.

Икос 7

Новое знамение сотворила еси, Пренепорочная, в день празднования сретения иконы Твоея Владимирския в Москве: в грозном бо видении, яко всемогущая Царица, множеством воинств Небесных обстоима, со святители московскими явилася еси нечестивому агарянскому хану и от предел земли Русския отыти повелела еси. Тогда вернии людие Твои, врага видевшие посрамлена и бежаша, с веселием пояху Тебе: Радуйся, победо непобедимая; радуйся, Царице Небесных сил. Радуйся, врага грозное посрамление; радуйся, рабов Твоих радости нечаянная. Радуйся, надеждо всех лишенных надежды; радуйся, спасение во дно адово нисшедших. Радуйся, пришествием иконы Твоея Москву возвеселившая; радуйся, заступлением Твоим и град Владимир не оставившая. Радуйся, Пречистая, от иконы Твоея милости нам источающая.

Кондак 8

Странную победу всеильною помощью Твоею, Владычице, без брани совершившуюся, и до ныне Церковь Православная светло прославляет, сретение иконы Твоея Владимирския празднующи и вся верная чада Своя созывающи милости Твоя благодарне исповедати, Сыну же Твоему и Богу пети: Аллилуия.

Икос 8

Всю Тя Бог освяти, Пренепорочная, и яко Матерь Свою в готовое прибежище и теплый покров всем нам дарова. Темже от меньших земли и неизвестных возвеличился благословенный Тобою град Москва, благочестно икону Твою почитай; вся бо племена русская во едино собра и область свою над окрестными языки от моря и до моря и даже до конец земли распростре, всем

веру Христову возвещай, Тебе же вопия: Радуйся, земли наша забрало; радуйся, Церкви утверждение. Радуйся, молитвенников наших похвало; радуйся, людей Твоих спасение. Радуйся, враги наша устрашающая; радуйся, полки чуждых далече отгоняющая. Радуйся, яко Тобою Русь Православная содержится; радуйся, яко Тобою род христианский хвалится. Радуйся, Пречистая, от иконы Твоя милости нам источающая.

Кондак 9

Всякое естество ангельское восхваляет Тя, Богородительнице, у престола Сына Твоего предстоящую и за страну нашу и вся христианы молящуюся. Мы же, людие Твои, молитв Твоих действие разумевающе, к чудотворней иконе Твоей с любовью притекаем и Богу прилежно вопием: Аллилуия.

Икос 9

Ветий земных художество не довлеет по достоянию благохвалити Тя, Пресвятая Всенепорочная, и иконы Твоя чудеса исчислити, имиже Церковь Православная величается, грады наша утверждаются и вси христиане божественно веселятся. Темже за премногую любовь Твою к нам и вся милости Твоя приими от нас сие хвалебное пение: Радуйся, собором святых, в стране нашей просиявших, окружаемая и славимая; радуйся, предстателей наших чудотворцев российских моления приемлющая. Радуйся, ходатайством Твоим о нас Бога умилюющая; радуйся, честным покровом Твоим нас приосеняющая. Радуйся, страны наша преславная Защитнице; радуйся, призывающим Тя скорая Помощнице. Радуйся, труждающихся благодатное укрепление; радуйся, кающихся грешников несомненное спасение. Радуйся, Пречистая, от иконы Твоя милости нам источающая.

Кондак 10

Спасения ищуще, к Тебе прибегаем, Милосердная Мати, и чудотворную Твою икону ныне обходяще, вся милости Твоя, тою отцем нашим явленныя, с любовью воспоминаем. Да не тщетна будет, Владычице, и наша надежда на Тя; на немощь нашу умилюйся и спаси вопиющия Богу: Аллилуия.

Икос 10

Стена еси и заступление всем с верою прибегающим к Тебе, всеблаженная Отроковице, всегда бо милости Твоя роду христианскому являла еси и отцем нашим многочастне и многообразне благодеяла еси, от нашествия иноплеменник и от всякия беды и нужды тех избавляющи. Не оскудей и ныне, Владычице, утоляющи лютыя на ны воздания греховныя, и облак иску-

шений отжени, Тебе бо навыкохом пети: Радуйся, Мати Божия, Матернюю любовь к нам, грешным, простирающая; радуйся, силою Твоею нашу немощь восполняющая. Радуйся, милосердие Божие разумети нас научающая; радуйся, к делом милосердия и нас возбуждающая. Радуйся, страх Божий в сердца верных влагающая; радуйся, грешники к покаянию призывающая. Радуйся, невниманию нашему долготерпящая; радуйся, от сна лености нас возставляющая. Радуйся, Пречистая, от иконы Твоея милости нам источающая.

Кондак 11

Пение похвальное воспеша московстии людие, спасение Твое некогда улучивше: верху бо явльшися, светозарною одеждою одеяна, храм Твой и град Москву от запаления огненнаго ризою Твоею защитила еси. Неотступна пребуди, Всемощная, от места сего и ныне и нам избавление Твое видети даруй, да веселящися воспоем: Аллилуия.

Икос 11

Свет радости возсияла еси, Владычице, и во дни тья, егда смотрением Божиим древняя красота церковная к нам паки возвратися, и Священный Собор граду Москве Патриарха, всей же стране нашей единого пастыря и молитвенника утверди. Ты же, Пречистая, от иконы Твоея Владимирския жребий первосвятительства сего избраннику Твоему даровала еси, да расточенныя овцы словеснаго стада Церкви Российския паки воедино соберет. Сего ради вопием Тебе: Радуйся, скорбящих радости; радуйся, обуреваемых пристанище. Радуйся, в напастех нас не оставившая; радуйся, во унижении нашем свет надежды нам возсиявшая. Радуйся, на смиренныя призревшая; радуйся, низшедшия возвеличившая. Радуйся, Церкви наша похвало; радуйся, людей Твоих веселие. Радуйся, Пречистая, от иконы Твоея милости нам источающая.

Кондак 12

Благодать Твою не отыми от нас, милости источниче, якоже во дни лихолетия святителей наших Иова и Ермогена услышала еси и землю Русскую от конечнаго расхищения, православную же веру в ней от истребления спасла еси, да избавленнии Тобою Богу воспоем: Аллилуия.

Икос 12

Поюще неисчетныя милости Твоя, от лет древних роду нашему явленныя и донныне не оскудевающия, хвалим Тя, Пречистая, яко неусыпную Хранительницу нашу и заступление, и Матернюю любовь Твою к стаду Сына

Твоего ведуше, со дерзновением, аще и раби неключими есмы, вопием Тебе: Радуйся, Русь Православную возлюбившая; радуйся, веру истинную в ней утвердившая. Радуйся, отцы наша во благочестии сохранившая; радуйся, и наше неможение не отринувшая. Радуйся, утверждение наше незыблемое; радуйся, надеждо наша непостыдная. Радуйся, Молитвеннице наша теплая; радуйся, Заступнице усердная. Радуйся, Пречистая, от иконы Твоя милости нам источающая.

Кондак 13

О Всепетая Мати, Заступнице Всемиловитая, Дево Богородице, обычным Твоим милосердием малое моление сие наше приемлющи, якоже древле, тако и ныне помилуй землю нашу Русскую и от всяких бед рабы Твоя избави, о Тебе вопиющая: Аллилуия.

Этот кондак читается трижды.

Икос 1

Ангельския силы на Небеси немолчно воспевают Тя, Пречистая, зряще славу пребожественную, еуже Сын Твой прослави Тя; но и нас, земных, не оставила еси, яко некую лучу, ниспославши нам икону Твою, святым Лукою первописанную. О ней бо некогда изрекла еси: с сим образом благодать Моя и сила да пребудут. Темже вернии раби Твои, по вся дни и на всяцем месте сбытие словес Твоих зряще, ко образу Твоему цельбоносному притекаем и, якоже Самей Ти, с нами сущей, вопием: Радуйся, Ангелов Царице; радуйся, всего мира Владычице. Радуйся, на Небеси присно славимая; радуйся, и на земли величаемая. Радуйся, благодать Твою иконе Твоей сей даровавшая; радуйся, на спасение человеков тую поставившая. Радуйся, Божия благости скорая Подательнице; радуйся, молений наших усердная Послушнице. Радуйся, Пречистая, от иконы Твоя милости нам источающая.

Кондак 1

Взбранной Воеводе, Заступнице нашей, взирающе на первописанный образ Твой, хвалебное пение воспеваем Ти раби Твои, Богомати. Ты же, яко имущая державу непобедимую, сохрани и спаси благодарне Тебе вопиющая: Радуйся, Пречистая, от иконы Твоя милости нам источающая.

Молитва:

О Всемиловитая Госпоже Богородице, Небесная Царице, всемогущая Заступнице, непостыдное наше упование! Благодаряще Тя о всех великих благодеяниях, в роды родов людем российским от Тебе бывших, пред пре-

чистым образом Твоим молим Тя: сохрани град сей и предстоящая рабы Твоя и всю землю Русскую от глада, губительства, земли трясения, потопа, огня, меча, нашествия иноплеменных и междоусобных брани. Сохрани и спаси, Госпоже, Великаго Господина и Отца нашего Алексия, Святейшаго Патриарха Московского и всея Руси, и вся Преосвященныя митрополиты, архиепископы и епископы православныя. Дажь им Церковь Российскую добре управити, верныя овцы Христовы негиблемы соблюсти. Помяни, Владычице, и весь священнический и монашеский чин, согрей сердца их ревностию о Боже и достойно звания своего ходити коегождо укрепи. Спаси, Госпоже, и помилуй и вся рабы Твоя и даруй нам путь земнаго поприща без порока преити. Утверди нас в вере Христовой и во усердии ко Православной Церкви, вложи в сердца наша дух страха Божия, дух благочестия, дух смирения, в напастех терпение нам подаждь, во благоденствии воздержание, к ближним любовь, ко врагом всепрощение, в добрых делах преуспеяние. Избави нас от всякаго искушения и от окамененнаго нечувствия, в страшный же день суда сподоби нас ходатайством Твоим стати одесную Сына Твоего, Христа Бога нашего, Емуже подобает всякая слава, честь и поклонение со Отцем и Святым Духом, ныне и присно и во веки веков. Аминь.